

# Inyobo Ekai Ioidukokinete Yesi Eong?

Tucson, Arizona U.S.A.  
65-1121

1 Eyalama, Onac Green. Erai nakarereng. Amalan neejai Onac ka Inac Green, ka ngun kere luejaasi ne atupuruc na. Ido erai nuarereng ebe apupi eong ebe ainakin eong, abunere aiboisit na kanu aima, ainakin alimonoreta adis.

Mam eong akoto ayangaar apak Onac Green kane, naarai apupunit eong Onac Green irwanapu, inera, ido abeit cut abu kejulak eong, kosodi kwape ayangauna ngesi Akirok naka Ejakait mamawok, ido kiyapepeara kanuke. Bian kotema ngesi, "Mam eong adumuni Akirok kanejai Ejakait kwape acepak Ngini naebuni kotoma apukokinio, kwape- kwape ti ijukutere, konye," kotema, "Amina eong aiketakin ngun nuadaun alimun." Kotema ngesi atiar, "Kwape naewadika Paul icebore toma Obaibuli, abuni eong ne aiketakin ngun nualimunit ngesi." Kobala, "Emamei eong aisiraret, bon aiketakin ngun nuadaun alimun kanejai Ejakait." Kwana ngun araasi cut nulimonora, atumunan kwangon, kosodi atemar, aisomaun alimoret kwangin.

Kwana elipata nepepe.

2 Edeke Lominat, mam do ber eong ajeni negeunet da, apupi eong ebe ijai jo ne lolo, ido kotoma akonyen kon ipupi isio duc adisesu. Ido esialamikit ijo kanu arerengu kana. Kwana, Ejakait, icamak ijo isio aiboisit na, kilipi isio ebe iriamunos kede sio ngin pak tetere oni iriamun ne. kosodi Emoyo Kon loepol alosit kotoma ore kalo! Tetere isio ipedori ayaun aisiraret naka eijiri kalo lokiinakin isio ido ebuaikin akanin wok apaarasia nukawasia nu, kitodolikin, kosodi ijo alemun kinga ngin tau koTucsonkeda airimun, ebe inerokitai ijo aijar. Kocamak iboro lu, Papa, kokiror loka Yesu Kristo. Amen.

3 Aomit eong bala akoto eong asiomun ikokoro kanejaas nuiwadikatai kane atupuruc nalolo. Mot eroko eong elimuna akiro nuakoto eong alimun. Edumunos kotoma Aswamisio, esuula lo kanyetaarei loka eitabo loka Aswamisio. Ido iroko jo ipukori nen, igeuni okokoro loka 44.

Kwana ilosi isio Shreveport osabiiti lo, esabiiti lo loebunit, kanu aijanakineta nuetuputupa, ido kwana ilosi aitam, arai kitojok Ejakait. Onac Moore, Onac Jack Moore, epapero loagogongu neejai Onac Peary ka eong, ido imina isio Onac Jack. Aisiraret, aomit, bala abu kisuumok nges mot, kacut oboro icelutingit oni keda amina ido eyuunitos, ebe eponitos neok kotoma apukorio naka aipuceta akanyaarei, kwape kiyuunitor oni ngun, kwapenat, "aur naka emun," ka ace, ace kotoma aisirareta ngun. Ebe, acepakit nejaasi ice...mam isio iomit ebe etioko nu, konye, Nges, ekot ijo apukor ekonitau neejai Abeit. Iyuunit isio ebe ijari oni kotoma apak nawasia. Erai ibore cut yenabeit neijai oni, ebe ija oni angeset naka erot.

4 Ido einer kotoma okanisa ecetunganan, ejok, ikoto ijo aitubusikin epaperone etunganan angon, kanu-kanu ainakin ijo arerengu ngin abunere toma okanisake. Ido eong, cut, ajeni ebe mam kes iyuunitos Ngun, kosodi ti eong aitubusikin kes needolit ebe...ejaasi nuipu nuapedori eong einer kotoma angina, mere ber ayangaun ngun toma; dimicaat erai bon Emoyo Lokalaunan ejaun airem Ngun mot, itei jo, akesapolou atemari eong cut kwape alimunitor Ngesi. Ido mam eong ajeni eipone loejok itia aswam ngun, kosodi amuno eong mam aisiaun ecepone loejok itia aswam ngun. Iteijo? Alimutu Ngun bon eipone loelimuna Ngesi Ngun.

5 Kwana asiomutu oni bon ekokoro arai iarei kane kotoma naka esuula lo 7 naka Eitabo loka Aswamisio, ageun keda ekokoro lo 44.

*Kejaas lukapapaawok keda ewema loka aitejenunetkamoding, kwape kicorakinialokineraskaMusa, aswam koriakas kaput nakeanyuni.*

*Apotu luka papaawok kabeikinikec kitolomuut nges nepepe ka Yosua, nakebeata airumet naka atekerin nuerengiar Edeke kakonyen nuka lukapapaawok, kitoni apaarasia nuka Daudi;*

*Lokedumuni asianut kakonyen nuka Edeke, kilipadumakin Edeke loka Yakob eyekalu.*

*Konye abu Solomon kodukok nges etogo.*

*Kwabo loejai kaju kakuj mam iboie kotogoi luiswamao kakanin; kwape inerar enaabi ebe,*

*'Akuj nges ekaicolong, ka akwapin da iicolong yenika akakeje, ebala Ejakait ebe, Etogo enyoin kidukokinete eong? Arai aibois anyoin naebworaria?*

*Mere kereka akakan iswamat ngun kere?'*

6 Kotoma kana, asiomunio naka ekokoro kalo, akoto eong alimun akiro adis nu nuakoto eong alimun eringa Onac Perry keyangauna aisiiraret naka atupuruc.

Adumuni eong nu adiope kotoma apakio nuepolok nuka apejo ka toma Tucson. Abunit eong ne naarai Emoyo Lokalaunan, kotoma aitapoet, kabu kejuk eong ne. Ajeni eong ebe epote ngun acepak asubit bala itegelikina. Konye Nges, kwape ajenia eong, idiobore yen ajeni eong kanejai Edeke, ijukaritai eong kotoma

aitapoet toma Tucson. Aumokinit eong eipone loejukarere eong toma aiboisit namodingot. Ido do ne nges ejai...

Einer kotoma Omoyo, kalaije koibuga, mam eong ajeni naka adioboisit naetwanit cut kotoma omoyo, adepar eibuga loko Tucson. Ejai ejie toma akidingot naka ikanisan. Ejai ecelet akidingot ibiinai. Emamei aimorikikina, ido ngintunganan emariai, etingin, eridit, ka atamit alemun yen, ido atamit aibelokin itunga. Erai amoding, einer omoyo, da.

7 Konye do asiomi eong kotoma Obaibuli, ebe neanyarara Edeke Musa awai kane ejaasi luminan ke ka ngun kere luamina ngesi, kosodi aijukar nges toma amoding, kanu aiwadik ikisila luka Oibaibuli. Arai ngin Aitutuket Namojong, Iitabon iwongon lusodit, Ageun, Ilebin, ka Ikisila, Anyoun. Nges...mam eong alimunit kes bon kotoma oipone loeswamaenena eong, konye eraasi ngun iitabon iwongon. Ngun kotoma abeit nges Aitutuke Namojong. Naarai, luce Ngun kere eraasi nuapotu inabin kolimutu, kotoma Osabulin nuka Daudi, kaice da, konye aisiitonokinnaka ikabakan. Konye ngun araas apetetait naka Aitutuket Namojong. Arai Musa ewadikai kesi akaulo nanyararere nges kotoma akwap ke, neauriere nges ka aitopoloun akidingot naka itungake, kosodete aijukar toma amoding, kanu aiwadik Eitabo lo loka Aitutuket Namojong.

8 Nen adumuni eong ngun kotoma Oitabo loka Aitutuket Naitetet, neabu Paul, loerai elope eitabo, arai mam erai elope eitabo, konye ekewadikan loka Aitutuket Naitetet. Nges da aponi kirutaraikinga kanejaasi itungake, ido, kotoma Omoyo, toma Arabia, neajai ngesi adaun ikar iuni ka atutubet, kanu adumun aiyengakinio. Ido Paul nges ekewadikan lopeti loka aitutuket Naitetet. Kwana, ejai Matayo, Marako, Luka, ka Yokana, konye araasi kesi kere ekewadikak luapotu bon iwadikata nuabu Yesu kolim kwape atupitotor kesi Nges kotoma alosit. Ido, konye, oyanga Eitabo nejai Temiteo, keda nejaas Iromayon, ka nejaas Iburanian, ka ice da, abu Paul odum aiyengakinio aiwadik Aitutuket Naitetet; ayangaar Aitutuket Namojong kere kwape etoribe, ido aibwaikin toma ainapeta. Kosodi Edeke ainakin ayongio, kaitaraun Aitutuket Naitetet.

9 Ido kwana karai ojai aiteker Aitutuket Namojong kanejai...ajai aitekerar ekewadikan kanejaas iketunga, toma amoding, kanu adumun aiyengakinio aiwadika Aitutuket Namojong. Ido kotoma Aitutuket Naitetet, abu elope Akirot itekera ekewadikan, toma aiboisit naerai amoding, kanu adumun aiyengakinio kanu aiwadika Aitutuket Naitetet. Ido epucakitai Itabon keda apuceta akanyaarei; tiekotokin ngupengun, eyuunit eong, kotoma apaarasia kanu, apukor Aipuceta ngun akanyaarei. Ajalakin ngun nuitingit ijo keda amina, nejaas ngun nuiminakitos ijo, keda ire ngin yenididi yen apotu itunga kainakisi eong, ido kotunga ka kere ka ipapero, ka ekanisa loapoloi noi, ido komamei ibore akadit; ido ajalakin ngun, airiun awai naka angun, ido alemar awai, kinga toma amoding ngina neamamei idio yen ijeni jo, ido nginibore kere osurokite ijo.

Konye ejai ibore yen ikamunit Edeke, ebe Nges itekeri etunganan aswam iboro luedeparito akeijen elopet, kanukangun epedori araun kanu aibuses keda ayongio nejai Edeke. Ido apupi eong ebe, mere ayongio najo ilopet, konye apupi eong erai arerengu ajalakin nginibore kere yen anyaritai yeniminan kaneka, adolun ne toma amoding na kasodi aitor ocan nemam eong etoritor cut kotoma aijar ka, kane kotoma amagoro na, arai amoding na. Konye eyuunit eong, toma aswam ngun keda arimaar nuabu Edeke kicorakite kisomai, apukoki Edeke oni aiyeyea naka apaaran na nakawasia. Kosodi ijai oni ne keda Aisiraret na.

10 Kwana, ajaasi itunga luipu luapotu kotupata eong, ido mam ngun eraasi nuidilasi. Duc etunganan oni...eminanara itunga bonik, ido ngin, amina, nges itekerari ijo aswam iboro lumam jo iomit ebe tijo kiswama. Ido luipu kayesi ejalakitos ireria kes, ijalakitos yes kere, kanu bon alosit, abunere kinga ne toma amoding.

Luipu anyaraasi eong, luipu engitata eong, "Ibuni isio Arizona? Eraun aiboisit najokan kanukosi?" ee, kwape abalare kanuka Musa ka kes, mam arai aiboisit naka araito, mam arai aiboisit naka Pomegranate.

Ne emamei aswam naepol kanu aswam, ido ikiara aijar, kosodi ejautene lokaijar ikiara. Erai cut aiboisit naibokoror kanu aijar, nges Tucson, Arizona; erono etace, ido-ido inyammat epol etiai, ka aipagis. Erai -erai aiboisit naengosibib aijar otoma, kotoma oipone angon. Konye erai naengalei, erai naeonit. Ido isio acepakio...mam isio kiinakini aomisio kosi aputokin keda iboro luka akwap kana.

11 Iburai oni asesen toma aingarenikin naka Emoyo Lokalaunan. Konye idiopebore yenitapasi eong kotoma abunere ne, ka kotoma alimonokin itunga, "Ee, mam ekoto jo abunere," arai, "ekot jo abunere," ngun ajalakina eong akou kangitunganan, eipone loingarenikina Edeke itunganan ngin aswam. Aomit eong nginidiope kaoni ekoto aswam ngun, ingarenikite Emoyo, kotoma kanuiswama.

Ido yes luipu kane iraasi luiponitos kane Jeffersville, kosodi iraasi nuka obiina angina, ido iponitos yesi kinga ne. kwana, ibore yen itapasi eong, arai aiboisit naka aima.

Ido amisiik eong, kwape asiomia eong kotoma okokoron kane, nuka Sitepan ka aibois ke eringa atwanareke; naarai apotu kesi ibiribirosi nges ekaulo katipet, kanu aisiraret ke. Kwape kenerar ngesi,

kobala ebe, "luapapakosi," inera nuka Iyudayan kotoma apaarasia lusek, eipone loaponiata kesi kotamiata adumun asianut akonyen nuka Edeke, kanu adukun aibois naka aima. Kotema ngesi ebe, "Solomon nges kabu kodukok Nges etogo, arai aduketait." Ijeni oni esitore.

12 Konye amina eong akiroke nuetupakito, "Ikonakini ai ebe mam Ngon loikiara akere iboie kotoma otogoi luedukitai keda akanin." Kotoma aiboisit ace ngina toma Isaia, kobala ngesi, "Akuan idau Ijo aitemokin Eong; iteiijo, asubanit ka ainakineta, ka aduketa, kaice da, Konye akuan idau Ijo aitemokin Eong." Ee, imisiikini oni ebe ajai ngesi einer apak angin nuka akuan naobu Edeke kiyekalu, kotoma Kristo.

Konye eyuunit eong lolo, ebe aiyengakinio nabuu toma-toma Onac Green, kanu aikunyun ne, nges ka Inac Green, aipal aiboisit kes kangina kotoma kide, da, kotoma...kangina kotoma Texas, kanu abunere ne keda...kanu agear keda ibore yen emamei; bon kotoma apatanu keda aiyengakinio, aipup ebe ebeit kes aswam ngun. Esialamikinit eong ikiliok luetupete aingarenikinio naka Kristo, komam apodokit etiai loeyangaikini kes.

13 Arai akwap kere, acepak ipapero kon luejokuka kakere, eomitos ebe mam ijo idolit, konye mam ngun eroko kaneijai ijo. Bon ebe ipupi ijo ebe ejai icebore kau angun, erai Edeke itosomai ijo; mam erono, kosodi ngun duc eraunos nuka abeit.

Iteiijo atumunak iarei luedukina, esapat atalanta. Mam eong enera nu naarai iboie ngesi kane. Ido apese na keda idweke, keda ekaleke aitopoloun, ido ajal ngesi akeswam ka nginibore kere, kanu abwotun ne.

ajeni eong ebe ikaru luokau aponi anyaraar eong toma aijaanakin. Mam eong arauna ecokon loekeriana, naarai adumunit eong emoyo loirimonokaisiarara. Mam eong emonikina adiiboisit. Bon nelosi Emoyo kere. Ejai eong alosit keda Nges, naarai ajaas eong keda Aisirat. Kobala Yesu, "ekot eong alimonokin kotoma otaun loda."

14 Konye ejaasi ngul lueraasi ecokok luidarete isipanin. Alakara eong noi ebe abu Onac Peary otupak aingarenikino naka Emoyo Lokalauanan, kosodi lolo ejai oni eyakalu. Erai yenedit. Ejokuna ngipengin nedolit kanu ageuna, kanu aanyun nu Emoyo Lokalauanan...Komam ijeni, ekunyakisi ailamaret keda ailamaret. Kwana, eyuunit eong, arai inerit Edeke neejai Onac ka Inac Green, kanu abunere ne, ido angaa aiboisit kanu idwewok; aiboisit nakes aicak igaalin naesabiti tupuruc, ido kotoma orotin ka akerit airimirim, ejaasi kesi keda aiboisit naepote kesi aima, aiboisit nakes aiboi kane ka aipup iceboro luipupunit oni oredio, nueraasi kere abeit.

15 Konye oni, kwape atukot naka itunga na, ejai oni Aisiret kanu apaaran kana. Oni, iyuunit oni ebe ainaki oni Edeke Aisiret. Ido Onac Green, erai, mam eong akoto anyara nges atupiton ka naarai irai isio...ee, erai, da, atupiton ka, ijai oni nepepe kotoma Aisiret na. Elimonikini onac Green ibore ngipengin ka Aisiret naeyuunit eong toma. Ajal ngesi oreke, ajal itunga ke, ajal ekanisa ke. arai ngesi, eyuunit eong, arai ngesi apolokiton ebooma arai icebore, kotoma odiope koriongeta, ido kojali iboro kere neapupuna ngesi Nu. kojali ngesi nginibore kere yen amina ngesi, da, abunere amoding, aigang nuejai Edeke ainakin oni kwana.

16 Abala eong eyuunit eong mam ekoto korai toma otauon wok bon, ekoto orai alosikinet wok aigang nges, koipone kalo ipedoria oni kere, ajainikin toma aijaanakineta, kanu abunere ne aima, ido aitarau aboisit na naepedoria Edeke apukokin oni iboro luejatar Ngesi kanuok apukokin. Ido kwape ebalar akirot na, "mam Aisiret ebuni neajai eong kotoma ainakin naka aiyengakinio, kwape isoma acepak kanejai ice kaoni, konye," kotema ngesi, "ajai eong ne kanu aigang nuadau Edeke ainakin." Alimunet naikonaina! ido eyuunit eong, arai ibumakin oni kere nepepe, ibwaiikin oni itauon wok toma angun.

17 Ajeni eong ebe ngin diope kayesi, korai opupi ijo kwanat ka engo, eyarit eong etengei noi aanyun Emoyo loka Edeke elosi, mam eong apedori abwoikin ngun. Ace kanu etor eong toma kwapekwana kokuju naka erongat, kanu aipupun ngun bobo, ibore ngipengin naeyuunia eong arai yen aibuses kotoma otauka! Ido ipedori oni abunere toma aiboisit, ipedori oni aiboikin kasodete oni aanyun ngun kotoma akidingot wok, ebe ijai oni atwanare. Kwape kiboio oni kane kotoma amoding, kadumuni eong ngun akidingot naka inacan ka, ineras kesi keda eong, ido eneras eong keda kes; duc, koipone kalo edit loka kasesen, aipup okinga angina keda Emoyo, kwape ajaar, kanu aanyun ejautene loka onac angon, kanu aanyun ibore yen erono. Ageuni eong apupun oni kere ilajaar, ikunyi awai kanejai Emoyo. Araun ibore yen angin paaran neijai oni. Ibusakinin oni aima kotoma Omoyo, kanejai Emoyo loka Edeke...Mam erai Aisiret wok nges erai akim naka esawa, ekoto korai akim kotoma otauon wok. Iteiijo? Ekot kojai toma otauon wok, arai mam oni -mam oni cut kodoco ipedori ainakin Ngun nejaas itunga. Ejai Emoyo ainapakin Aisiret, Nges elopet. Ido amunokina eong ido eyuunit kotoma angin diope kayesi, araut Ekristayot obe.

18 Kwana ipudas kesi esisianakinak luka esemoro loka naesabiiti. Ekotokinos esomak. Ido akoto eong alimun nu tetere ijo imisiikini cut ejok. Erai lo ekanisa.

Ejaun eong ne ikaru iuni. Ido ajaatar eong ekek ediopet engaaneka, arai Onac Mack ngon nges abu

kengitu eong abunere alimonokin. Isirereng nges Edeke. Mam eong icetunga eramitotor; mam eong idiobore kakes, ejokuka kesi. Onac Brock, epapero ka loejok, Onac Gilmore, luipu konacan lukopetikotin kane, eraas noi noi ipaperoka luejokuka luidulok. Amina eong kes; mam eong ibore kakes. Amisiikit eong adoketait kec. Mam epedoret anyarar eong toma ngina, ido apaikin toma oriongeta kec. Koany, mam epedorete aswam ngun. Naarai, karai isomata kwangin, epetoro kes kinga. Kanukangun iwanyu ijo adoketait kec. Ajaatar eong da ibore ngipengin atereikinor. Konye, ika, koraun duc kwangin, "komoo ber ajakanut naka Edeke," akote naka Edeke.

19 Kosodi do kwana, Onac Green, ejuku Edeke nges ne ido apukoki oni ekanisa loeputosi Aiyuun ke keda naiyuunit oni, ibusakinit oni aisialamikin Edeke, kasodete ajaikin toma nginijanakin, ayangasi nginiboisit kere naipedoria oni. Kosodi arai kilipi oni anyaraar, kanu ailip, kanu aimo, kanu aswam, araunos isirikaalei cut kotoma...bon kiburakinit aswam ngun. Iteijo?

Idarata Aisiraret korai naka aibuses, kojar ajar naetekooro. Mam icamakini aimodumodun abunere toma kangun. Ijai oni kau noi kotoma apak naijaria kwana. Iyapit oni noi kotoma osawa. Ajarata Ngun kolaete. Ee, ajar ka, ajar kon, ajar wok kere ekot alemuno, koingaren naka Edeke.

Atumunak wok ilatositai, anyoun aboisit kitoni aiboisit, anyoun aboliakitoni abolia, ido aleliar awai ido awai kanejai Edeke. Abeit. Kwana, erai ngin abeit. Aseseni eong ngun kotoma odweka, ido aseseni eong akuanaka edolokini toma aiboisit nemam...ijo, ekotokin yes atukokin awatewok nepepe, kanu aima Edeke; ebalala Ebaibuli kwaen, "Naiwanyuna oni apaaran na edoluni, kadunyakisi abunenen nepepe." Arai ejaasi itunga iarei bon ne, korai jo idiopoe kakesi. Kwana erai ngun...kosodi arai kibuu oni nepepe ido aima nepepe, kasodete do, icebore yenegelakina ikamunite ngun, kobala Yesu, "Netukokina iarei arai iuni kokiror ka, ajaun eong akidingot kec."

20 Kwana, kwape abu eong kalimunitor sek, abu onac Green kolimok eong, kosodi nges alimun ngun, aberuka obia, kolimokini eong nuakoto ngesi alimun neajaar eong awai. Ebe, ido abu ngesi kotoma atupuruc na, "Engaara elutaari ediosawa kere." Kwana duc...apolouke, engaara kanu eong einer.

Kwana, duc, ajai eong aiderep erot kere kitoni Jeffersonville Indiana, kanu ainakin Aisiraret nainaki eong Edeke, ayangaun ngun nejaas itunga; alosit cut erot kere kitoni Jeffersonville Indiana, ido ngin diopet kayesi abunere airimun akwap kere, ido akodakin iwayai ka iboro, kanu adumun Aisiraret, naarai ngin nges ijarai oni kotoma. Iteijo, ngun nges ijaar oni ne. Ee, mam bobo oni ebeit aswam ngun

21 Edeke ainakini eong Aisiraret, apedori eong arasun kitoni ne olutaari kasodi alimonokin ngun, ido apupi alacakina aswam ngun. Eeba. Ido eyuunit eong, kotoma angun, ebe isirerengi ijo Edeke lokapedori kere bon ebe ibwoi ijo keda ekanisa lo kwana, atukot naitungana. Mere ngun bon, konye alototo kinga ido aanyutu arai mam oni idumuni ice alomun toma. iteijo, enerakinos keda ice aiboisio kere, enerakinos keda kes nuikamunitos ekanisa wok ido inyo apolouke. Nuerai ekanisa wok...ijai oni ne. ikoto isio ijo abunere, koyautuilongwau, ido acamunit eong ebe ejokunar kanuka oni kere. Iteijo? Ijatar oni aduketait, naiyalamar oni, iyalama oni kanu aiboisit kana, atukokin nepepe.

Konye, "Ikwaikini ai mam Ngon loikiara kakere iboie otogoi luedukitoni keda akanin, iteijo, 'Naarai akuj nges Eicolong Ka, ido akwap nges aicaketait nakejeneKa; ido ai ejai aiboisit ka naka aiyengun? Konye itemok ijo eong akwan.'"

Ido irai oni akuan naka Kristo. Kanuangun kwape kilosio anyoun aduketait adiope kitoni aduketait ace, eyuunit eong, toma ayaun Aisirareta wok, ido ibuni oni kwap kasodete ajaun keda aijaanakin naka aitangale. Ido idiobore yen ipukokini oni Ejakait aswam, ijaun oni keda nges cut ne toma okanisa, kitoni nges abutuun kinga apoloor noi eraun ijo ayangaar nenice, ido nenice, kitoni Yesu abunere. Isirereng Edeke.

22 [Kolimuni Onac Peary Green adis, kosodi ailip Onac Branham aisiboikin nges oicolong.]

Etuluroto akwes wok.

Edeke lominat, kwape kiboio isio kane kotoma otut lo, loebwoikinit, cut ne koingaren naka elutaari kane, imisiik isio ebe irai isio atur naka itunga luejaas atwanare, kwape ejaar akwap na. Isesen isio kinga toma orotin, ido aanyun adiakar iwadikatai ngin boisit kere, ido aibuses naka Ejakait ejai anyoun aipet. Kosodi ijeni isio, nenyouna aibuses naka ejakait kuju, epone ngopongon enyouna ekanisa keda Nges. Edeke, ikoto ajaikin ngina.

Apaarasia adis bon okau, abwoi kane kotoma okoona loka erot, juwai naka erot, aseseni eperet ngon ijesar kwap naka erot; ido aseseni ijisio ngun lumojong luka ejie kalosodit ingarenikitos erot kotupakinete luelangir luka Sherman, kau kangun otupakinete ice ka ice ka ice, dodo nuatoto nuka aicer nuka esaabu; ekal lodidi loabilibilun, keda aberu naemonyi, kosodi isapat yen didi yen esanyakak yen atwania papake, amojong natwania okooke. Aomoom eong, "erai nukaiturur," aibwo kotoma okoona loerot ido aite ibore kwa angin etubor. Dodo amisiikin, kwape etuborotor kesi aduketait kana, kijulakin ayoere nejai inyikok, esilikalet loKristayot. Eramete koperet kec, kokau; konye neatuborotor kesi aiboisit kana!

23 Edeke lominat, ajai eong aoomoi nuka apak naebunit ace naepol, ido eraun do ngin ajarun, negeatar lumojong lukolosek abunere, lukalaunak, imakio. "Naarai oni luijari ido kasalitos mam itikokini arai isimik ngun luajotoros; naarai eruuni arupepe naka Edeke, kosodete luatwak kotoma Kristo ageikin ajarun." Neianyunia do oni ngun nuepolok...bon itunga elosete, kuju kotoma operet aitor odowuon;ido kibuni oni aibwo, edaritos kanu aijulakiniowok ajenete ebe ilomari oni da okokoro. Edeke koinakinai isio araut isilikaalei luumunooko.

Ngun bon lu cut aupakina ido kojaikina toma ojie kes ejenunete apolou naka ngun, aanyun ijiisio ngun ikokororos atubor. Ido, Edeke, iomit isio ebe ngun luajaikina toma ojie lokaijar ejenunete apolou nakangun, naidaria oni apak wok adolun owaike ka aiboisit, kotoma ajarun, kanu alosit kuju.

24 Ido nu, onaceka lodidi, kobwoi kane, itutuoritete ijo ejok, okapakina, isirite, idarite epolon aidokokin akanin nejai ngesi, ediope loerai ajionloeyengu kotoma okokoro loingaren loka ejie, kojene ebe ebeit nges da alomar toma ojie. Edeke lominat keda akanin numam ibusakinito nu edokokini akanin ka nejai onaceka, kotoma aboikinit nukon. Isirereng Onac Green, Edeke lominat, loesirerengi eong kotoma Okiror loka Yesu. Elipi koyanga ngesi Aisiraret na, Ejakait, toma oibuga lo ido neinyarara Ijo nges. Kilipi Nges korai loerimaari, kilelebunos keda Emoyo, kojari aijar naka okuju kotoma ainyanakinio. Edeke, kocamak nges kojaunos keda itauon luka Itunga, Tetera nges epedori aisianakin kes ka aingarenikin kes ka aiteten kotoma orot loipuda isio kere aitor. Ocamak ngun, Ejakait.

Isirereng aberu ke naemunoono, idwe ke ludidik. Isirereng agogongu kosi kane nepepe, kwape inacan luKristayon kane kotoma akwap, tetera isio ipedori aidak eijiri lo kitoni angeset naka akwap. Ijuk Emoyo Kon tomake, Edeke. Ilipi isio kotoma Kokiror loka Yesu Kristo, kwape kiinakinia isio nges neijaiIjo. Amen.

Isirereng ijo Edeke, Onac Pearry. Kodak Akirot naka Edeke!



[www.messagehub.info](http://www.messagehub.info)

Nuelimonokinit

**William Marrion Branham**

"... toma apaarasia nuka eporoto..." Apuk. 10:7